

gens ohn alle preservativ verlassen / welches durch  
dero gegenwart vnd Fleiß wol hette können ver-  
hütet werden.

So viel sey gesagt von der Præservation, deren  
die gerümbten Medici sich billich erfordender Not-  
turfft vnd ampts gebrauchen sollen.

Wer Ohren hat zu hören der höre: Wer Ver-  
stand hat/der richte.

**W** Vn wollen wir weiter in den Consilijs der  
Politischen Medicorum ihren Receptis vnnnd  
Medicamentis vns umbsehen / vnnnd dieselbe  
in erwegung ziehen.

Vorgedachte hochberümbte Medici Politici, so  
sich vnterstanden von der Vermeinten Kranckheit,  
des Königreichs Böhmen zu discurriren vnd judi-  
ciren sondern auch dieselbe zu remediren, damit sie so  
nen selbst ein Authoritet vnnnd Ansehen machten/  
auch ihre Consilia vnd darauff angeordnete Medi-  
camenta, vmb so viel ansehens vnnnd verhoffentli-  
chen Effect erlangen vnd haben möchten/als hat sie  
vorfüglichen vnd Rathsam angesehen/ das sie ihre  
Ehrentittul vermög ihrer Profession, denselben  
präfigirten vnd vorsezten. Vnd damit man nit ge-  
dencken möchte / das sie bey alten Weibern / Se-  
ren/